

ցին . և թէ անդ գնայր՝ անդ դիպենայր¹⁾, զի թէ ինքն անկանէր ի ձեռս նորա՝ մեծ ամօթ գնէր զայս : Եւ զլեզուազարիւն յայլազանց արժանիս ոչ համարէին՝ թէ ազգ մի ի վերայ իրերաց յարուցեալ կան յերկուս բաժանեալք . և կային ի մէջ տարակուսանաց ըստ այսմ իրից մտածութեանց , այլ լուեկան կամէին հատուցումն առնել իւրեանց ատելեաց : Այլ Հասանիքն օրըստօրէ առաւելանային , բազմանային , փարթամանային , առատանային զօրօք և գանձիւք ամենայն փաշայլւքն արեւելեան՝ բաց յիշխանէն Արգրումայ , և նա ի գործի իւրում կայր և էր յահի : Երեւելին ընդդիմակ Մուրթագան էր , և նա ևս պարտեալ : Եւ իբր զթագաւորս նստէր անահ և անհոգ , նաև զքաղաքսն տիրապետէին և նստեալ էին ամենայն բանակօք մերձքաղաքին Բերիոյ՝ ի դաշտն , որ ասի (արար) : Թաթար Ահմատ աղա ոմն ի նոցանէ , որ էառ զԲթթահեայ բաժին փաշայու թիւն , գայ ի վերայ Մուրթագին . յայնժամ Ահմատն որ ունէր ԸՄ արս , (բառ անբէնէնէ) զՄուրթագան որ ժե ոգով փախաւ ի Հալապ : Եւ պօլուկքն ի տեղս տեղս իջեալ՝ ի շէնս և ի գիւղս բազում ոճրագործութիւնս առնէին , թէպէտև չէր յայտնի յերկրւղէ մեծամեծացն :

Գալուստ վէզիրին ասացաք Հոկտեմբեր ժԴ էր , որ բանակ արար ամենայն զօրօք ընդ թագաւորին : Եւ Ռուհիճանն իբր թէ չիք ի մեղս լեալ , առեալ արս ի մեծամեծաց յարանցն յայնցանէ , երթեալ առ վէզիրն և տայ ընծայ նմա . իսկ նայ լուեալ էր զեղեալն : Նաև համախմբեալք ի միասին Սուրբ Սարգսի աթոռակալք եւ երեսփոխանք՝ իշխանք կոչեցեալք ըստ իւրեանց , հրճուեալք , բերկրեալք եւ ուրախացեալք

1) անդիպենայր .